

Riiksuåvtõõzz saakkeemjuâggas
Teâdtõs 559/2018
26.11.2018

Sä'mmlai aa'sšid kuõskki suâvâdvuõttprosee'ss

Kuullâmraportt lij õlmstõttum

Halltõs lij aalgam kâlgmannust 2017 sä'maa'sšid k'õtt'tõõlli suâvâdvuõttprosee'ss valmštõõllmõõžž. Alttõs prosessa (tuõttvuõtt- da suâvâdvuõttkomissio vuâđđummša) lij puättam sä'mtee'ğğest. Valmštõõllmõõžž vue'ssen jä'rjsteš veiddsõs kuullâmrääid pirr Sä'mjânnam da Lää'dd šuurmõs gâardin 2.5.–29.6.2018. Kuullâmpooddi mie'ldd se'lvni, što alggmeer sä'mmla â'ne tuõttvuõtt- da suâvâdvuõttprosee'ss šiõgg jurddjen, leâša see'st lij kuuitâg nâânn pann-na'ddjõs tõn pirr, što Lää'ddjânnam le'ççi se'lvvte'men alggmeer sä'mmlai k'ioççlõõttâm vie'rrvuõđid vuõiggmiõlâst.

Kuullâmpooddi ääi'j no'rreš teâđ alggmeer sä'mmlain tõn pirr, mâkam jurddjid Lää'ddjânnmest valmštõõllâm vue'lnn âârrai suâvâdvuõttprosee'ss kâgg ou'dde, mâid vuei'tlvânji vuâđđuuum komissio õõlgçi tu'tk'keed di mâkam komissaarid le'be komissio jââ'dteei oummuid alggmeer sä'mmla luõ'ttje'çe.

Sä'mmlai aa'sšid kuõskki suâvâdvuõttprosee'ss valmštõõllmõõžž vue'ssen, õlmstõttum rapoortâst kuullâmpooddin norrum materiaal lij çuä'jtum nåkkmen, leâša anonymisõsttum häâ'mest. Raportt lij õlmstõttum viid k'io'lle (tâ'vvsäämas, aanrõškiõ'lle, säâmas, läaddas da ruõccâs) da engglõskiõllsaž rapoort õlmstâ'tte rosttovmannust 2018.

Riiksuåvtõõzz pravlee'nn'ja da vuõiggâdvuõttministeria õhttsažtuâjast Lää'dd sä'mtii'ğğin lie kaart'te'men, mä'htt suâvâdvuõttprosee'ss (komissio) õõlgçi tuei'mmepiijjâd da mä'htt jiõçç prosee'ssest va'stteei jiõççnaž komissio tuâjj da norrõs õõlgçe lee'd.

Lää'ddjânnmest valmštõõllâm vue'lnn âârrai suâvâdvuõttprosee'ss vuâđđââv 1970-lââggast šõddâm meeraikõskksaž tuõttvuõtt- da suâvâdvuõttkomissioinstituo'je. Meeraikõskksaž tuõttvuõttkomission (truth commission) le'be tuõttvuõtt- da suâvâdvuõttkomission (truth and reconciliation commission) kââççat prosee'ssid, koin ta'rkstõõlât historiast šõddâm vie'rrvuõđid da põõrgât tuõttvuõđ le'be tõn, mii lij šõddâm, se'lvvtummšin jeâ'rbi mie'ldd cõggâd tõn, što ták vie'rrvuõđ jie teänab šõõddçe.

[Sä'mmlai aa'sšid kuõskki suâvâdvuõttprosee'ss -kuullâmraportt](#)

[Lââ'ssteâđ sä'mmlai tuõttvuõtt- da suâvâdvuõttprosee'ss valmštõõllmõõžž pirr](#)

Lââ'ssteâđ: Ánneristen Juuso, Spesiaalä'sštobddi, Riiksuåvtõõzz kanslia